



21. august 2009

UKA 2009/75

Inatsisartut suleriaasianni § 36, immikkoortoq 2 naapertorlugu matumuuna imaattumik Naalakkersuisunut apeqquteqarpugut:

Naalakkersuisunut apeqqut: Qilalukkanik qaqortanik qernertanillu pisassiiffiup piffissalernerqarnerata allangortinneqarnissaa pillugu Naalakkersuisut pilersaaruteqarpat?
(ATASSUT-ip Inatsisartuni ilaasortaataitai: Finn Karlsen, Siverth K. Heilmann, Knud Kristiansen)

Tungavilersuut:

Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 2, 12. februar 2004-meersoq § 3 immikkoortoq 6 naapertorlugu, ukioq pisassiiffik tassa 1. julimiit 30. junimut, ullut taaneqartut ilanngullugit aalajangersarneqarsimavoq.

Piviusuuvoq ukiut tamarluinnangajaasa qilalukkat qaqortat qernertallu piniarneqarneranni ajornartorsiutinik naammattuuisarneq, tassa sumiiffiit ilaanni pisassiissutit tamakkerlugit pisarineqarnissaat ajornarluinnartartoq sumiiffiit ilaanni pisassiissutigineqartut ingerlaannangajak nungunneqartartut, tamatumalu kingunerisaanik Naalakkersuisut pisassiissutinik allanguisariaqartarput ukiumut pisassiissutit nungunneqarnissaat qulakkeerniarlugu.

ATASSUT-mit naliliinerput naapertorlugu ukioq pisassiiffiup aallartiffiata naaperatalu allangortinneqarneratigut, tassa 1. julimiit 30. junip tungaanut pisassiisarneq atorunnaarsillugu pisassiissutit 1. januarimiit 31. december ilanngullugu pisassiissutit piniagaasalerpata ajornartorsiutaasartut ikileriangaatsiassagaluarput, taamaammatt paaserusunnartipparput Naalakkersuisut tamatumunnga isumaqatigineraatigut aammalu paaserusunnartipparput qilalukkanik qaqortanik qernertanillu pisassiiffiup piffissalernerqarnerata allangortinneqarnissaa pillugu Naalakkersuisut pilersaaruteqarnerisut?